



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Caput 11. De Vsura.

urn:nbn:de:hbz:466:1-40873

498 Pars 3. tract. 5 cap. 10. De commodato, &c.
miserit per hominem, qui vulgo fidus audiebat, isque sibi retinuerit, vel perdiderit, rem domino periisse censet Molina apud Escobar, &c.

10. Mutuans ad damnum sarcendum obligatur in conscientia, si de rei vitio mutuatarium non monuerit.

Item nisi par necessitas urgeat, rem mutuatam ante tempus repetere non potest.

11. Tenetur mutuarius praestare casum fortuitum mutuo evenientem, cum penes eum rei dominium sit, & in eadem qualitate, & quantitate eam suo tempore reddere debeat.

Non licet in vero mutuo, ullum lucrum accipere, quia esset usura, ut cap. seq. magis patet.

12. Mutuum distinguitur a pignore, hypotheca, & locato, quod in his dominium rei in alterum non transferatur cui ea oppignoratur, sed tantum usus, ut diximus de commodato & deposito, in mutuo autem cum usu dominium transfertur. Bonac. d. 3. q. 3. p. 1. &c.

C A P U T X I.

De Usura.

1. **U**sura est lucrum ex mutuo: tale lucrum supra summam capitalem praeceps ratione mutui exigitur. Hoc autem iniquum est, exigere lucrum pro re mutuata, quæ non est amplius tua, sed aliena; quia rei mutuatæ dominium transfertur in eum, qui mutuum accepit.

2. Usura non est, si nihil ut pretium mutuans intendat, sed ex gratitudine tantum aliquid speret, & eâ intentione illi aliquid donecatur,

3. Usura tamen incurritur dum ultra sortem signatae aliquid exigitur tanquam ex benevolentia aut gratitudine debitum. Aliud enim est aliquid ex gratitudine sperare, aliud ut debitum exigere; hoc enim aliquam mutuam transactio- nem presupponere videtur.

4. Si des mutum, ut te in alterius amicitiam insinues, usura non erit; immo nec si inde spares aliquid officium. Quia amicitia pretio aestimatur.

5. Usurarium tamen est & illicitum pactum de officio aliquo obtinendo a mutuatario, vel de ejus opera pro te impendenda: ita communi- niter Doctores cum Molin. Less. Salas. C. Lugo.

6. Usura non est poscere aliquid ratione difficultatum vel expensarum, quae erunt, vel timentur in recuperanda sorte quae mutuo da- tur: item ratione periculi in eadem recuperan- da. Quia pretio aestimari potest quod quis se in talem difficultatem periculumve conjiciat.

7. Nec est usura pacisci & accipere aliquid ratione emergentis damni, cuius mutuum vere causa sit, aut cessantis lucri, vel cessatur, modò de hoc ipso mutuatarius præmoneatur: ut si cum pecunia tua quam alteri mutuaris po- teras & volebas negotiando quæstum facere.

8. Usura est, mutuare frumentum vetus cum obligatione ut restituatur novum certo tempore, si quidem qui dat mutuum sciat no- vum fore melius, & majoris pretii. Sylv. Na- var. Trul. d. 15. n. 11.

9. Ex sententia communis usura est, si mu- tuum des ut postea ex debito civili obligetur mutuatarius, tibi mutuari vicissim, aut vende- re,

re, aut merces apud te emere, atut operas suas tibi locare. Eiusmodi enim obligatio pretio estimabilis est, quæ mutuatarium privat po testate emendi alibi &c. *Lessius l. 1. c. 20. d. 8. C. Lugo, Layman. l. 3. tr. 4. cap. 16. num. 3.*

Item si frumentum quod alibi habes mutuum des, cum obligatione, ut reddatur vel hic vel alibi, ubi plus valet, cum sumptu vel labore majori. Nisi forte alius titulus æquivalens accedat, lucri cessantis, periculi, &c.

10. Si mutuo des, v. g. decem modios tritici, & interim per accidens crescat tritici pretium, potes eandem mensuram repetere. Quia sic non petitur frumentum mutuum propter ejus pretium, sed propter ipsam substantiam frumenti, cui eadem mensura est æqualis. *Laym. Bonac.* Aliud est de moneta dum ejus valor accrebit, quia in ea æqualitas valoris non substantiæ spectatur, *Laym. Bonac. &c.*

Præter obligationem restitutionis, usurarius est obnoxius poenis à jure constitutis *cap. quamquam, de usf. in 6.* ut si sit publicus sive notarius, non debeat admitti ad communionem altaris, aut absolvi donec usuras actu restituat vel cautionem pro iis præbeat, neque sepeliri in loco sacro, & qui sepelit ipso facto est excommunicatus. *Bonac. Lessius, Trul. Laym. &c.*

C A P U T XII.

De Emptione, & Venditione.

1. **E**mptio, est contractus quo pretium pro merce solvitur: venditio, quo pretium pro merce accipitur. Uterque contractus mercis traditione completur, & utriusque justitia in